

Ich Ha Luscht Zum Läbe

TEXT UND MUSIG: INGRASSIA SALVO

Ich ha Luscht zum Läbe, Ich ha Freud a mir
Han e grossi Liebi, ganz tüüf i mir.
Ich chönnt vor Freud verplatze, will i glücklich bin
won'i ane luege, luuter Sunneschyn.

Ich bi eifach froh, dass ich läbe dörf
Inre Welt voll Gheimnis und voll wunderbare Sache,
wo nöd kennsch.
Ich bi eifach froh, dass ich liebe dörf
Und ich wünsche mir, dass alli Mensche uf de Welt verstönd:
Wie schön, dass s'Läbe isch!

Ich ha Luscht zum Läbe, Ich ha Freu a dir
Han e grossi Liebi und die schänk ich dir.
Ich chönnt vor Freud verplatze, will i glücklich bin
won'ich ane luege, luuter Sunneschyn.

Ich bi eifach froh, dass ich läbe dörf
Inre Welt voll Gheimnis und voll wunderbare Sache
wo nöd kennsch.
Ich bi eifach froh, dass ich liebe dörf
Und ich wünsche mir, dass alli Mensche uf de Welt verstönd:
Wie schön, dass s'Läbe isch!

Sunntig, weisch no, wo's Sunntig isch no gsi,
i dere Stimmig föhl ich mich
Sunntig Morge und e Welt ohni Sorge
Ich wünsche mir, dass es bald wird so sii!

Gib mer dini Hand und ich führe dich
I ne Welt voll Gheimnis und voll wunderbare Sache
wo nöd kennsch.
Gib mir dini Hand und ich zeige Dir
All die schöne Sache wo d'Mensche scho vergesse händ:
Wie schön dass s'Läbe isch!

Ich ha Luscht zum Läbe!

Ohni Stütz gaht nüt meh!

**Mir sind immer schlimmer dra,
Nei, so chas nöd witer gah.
D`Mieti, s`Brot und d`Milch schlönd uf,
es nimmt eim fasch de Schnuuf.
Sorge han ich jede Tag
ob ich das no zahle mag.
Und mis Konto uf de Bank
das isch scho wieder blank.**

**Ja ohni Stütz, da gaht nüt meh.
Es chrächt kein Hahn nach dir, wirsch gseh.
Es bitzli Spöitz, das muess e jede ha.
S' isch ganz egal ob Frau ob Maa.
Ja ohni Stütz, da lauft nüt meh.
Ich ha das sälber mängisch g`seh.
Häsch du chli Gäld, denn bisch en Superking,
schusch trampt der jede uf de Grind.**

**Wenn ich wär en riche Maa
gieng ich uf Amerika.
Würd det riese Parties gäh,
bis s`Geld isch niene meh.
Glücklich mached Stütz ja nöd,
säg warum sind mir so blöd?
Chrampisch immer meh
und am Abig tuet alles weh!**

REFRAIN.

**Und Moral vo dere Gschicht
tut mir leid die gibt es nicht.
Geld regiert die Welt , Hey Sie!
S' isch immer scho so gsy.
Wotscht du anes Örtli gah,
wo sogar de Kari gaht..
Stahsch denn vor verschlossner Tür
und du chasch nüt defür.**

REFRAIN

Losed si Frau Küenzi

Musik: C. Brunner / Text: Ch. Lewinsky

Hüt isch Tanz im Sunnehof
Alles gaht uf de Schwof
Nur d' Frau Küenzi bleibt alei
Tänzer find sie kei.

Endlich het's dänn doch mal klappt
Sie het sich Eine gschnappt
Doch der het denn zuenre gseit:
Sie es tuet mer leid:

Ja, losed Si Frau Küenzi:
bizzli gwaggle müend Si
Wenn Si wend go tanze gah
chönt Sie nöd nur umestah!

Ja, losed Si Frau Küenzi:
bizzli gwaggle müend Si
Beweged Si sich ruhig e chli
susch schlafed sie no i.

La la la I...

...es isch doch nid so schwer,
Sie chömed ja dether
Ja grad als ob's en Boxkampf wär.

Gottseidank s' isch Damewahl
Si probiert' s nonemal
Schleppt en Ma wo gar nid wet
Ab uf' s Tanzparkett

Und de macht bi jedem Schritt
Grauehaft, eine mit
Bis er endlich zuenre seit:
Sie es tuet mir leid!

Ja, losed Si Frau Küenzi: ...

Hey! La la la I...

Ja, losed Si Frau Küenzi: ...

Jawohl!

ICH WÜNSCHE MIR DIS HERZ

(S.Ingrassia/P.Grossen/P.C.Angel)

Ich bruuch Dich, Ich suech Dich, Ich will Dich
Du weisch doch ich lieb Dich, ich flippe fascht uus!
Ich bruuch Dich, Ich suech Dich, Du fehlsch mir
Und mängisch s' isch tragisch, da halt' is nüm uus!

Am Morge, bim z' Morge
Am Mittag bim z' Mittag
Und z' Abig im Bett dänn erscht rächt.
Ich träg di im Herze, ganz tüüf ohni Schmerze.
Ich wünsch mir dis Herz nume Dis
S' isch schön nume z' wüsse
Ich werd di mal küsse
Und sing dänn für Di ganz alei:

Ich bruuch Dich

Oh wärsch Du doch da
Wie guet wür' s mir gah
Na, na, na
Ich wett mit Dir kuschle
Dich rundum vernuschle
Bis Du mir Dis Herz dänn würsch gäh.
Dänn würd i luut singe
Vor Freud fascht zerspringe
Und weisch was? Dänn gäb ich Dir mis! Oh, Oh, Oh!

Ich bruuch Dich

Höch uf de Berge

Mängisch wett ich wie ne Chue uf d` Alp
Wämmer d` Chrütli da verleidet sind.
Würd det ume gumpe wie n`es Chalb
Ohni Sorge im mim Grind
S` Läbe wär e ganz e liechti Choscht
Uf de Bärge hei juhei
Es bitzli Chäs und suure Moscht ja da bliebsch nüd lang alei

Immer nume vo dem gliche Gras
Ja das fahrt ja nüme richtig i
Nüt isch schlimmer als es Läbe nach Mass
Ohni Risikofaktor dri
Drumm wett ich emal vo Zyt zu Zyt
ab uf Bärge hei juhei
Ohni Koffer ohni nüt
eifach wäg vom gliche Brei.

**Höch obe det uf de Bärge isch s` Läbe no läbenswärt
Da wachsed d` Chrütli sprüsset Blüemli s` isch e wahri Pracht
Da springet d` Geissli ganz vergnügt bis i di späti Nacht
Höch obe det uf de Bärge isch Läbe no öpis wärt
Stell eifach ab, hol zünftig Schnuuf
und du wirsch gseh dis Herz gaht richtig uuf**

Hiderä Hoderä!

(s.ingrassia)

Hiderä Hoderä! Hiderä Hoderä! Hiderä Hoderä! Ho ...

Es git es Wort us USA

Ja da glaubt no mänge dra.

Du chasch es bruche wot grad wetsch,

Muesch eifach glaube dra.

Es isch es Wort wo keine weiss,

was ganz genau sött sy.

Es isch doch glych, muesch glaube dra,

wirsch gseh es hilft der gly.

Hiderä Hoderä! Hiderä Hoderä! Hiderä Hoderä! Ho ...

Bim erschte mal wos singe tuesch

da gspürsch es scho im Buch.

Es tuet der guet, es git dir Muet

de alt Indianerbruch.

Bim zweite mal nimmsch d`Frau dezue

und jodlisch dänn im Chor.

Muesch luege, dass si häbsch derby,

denn fahrt`s erscht richtig ii!

Hiderä Hoderä! Hiderä Hoderä! Hiderä Hoderä! Ho ...

Instrumental

Hiderä Hoderä! Hiderä Hoderä! Hiderä Hoderä! Ho ...

Jodel

Hiderä Hoderä! Hiderä Hoderä! Hiderä Hoderä! Ho ...

Güggel Max

Hüt isch Krach im Hüenerstall, de Güggel Max hät Haarusfall.

Alli Hüener sind nervös, das wird sicher ende bö.

Ja früener, ja da isch er no, zwei bis drü mal ufecho

Hüt schickt euse Güggel Max höchstens no en Fax!

So gaht`s eus allne de Fraue und de Manne (2x)

Älter werde Älter werde, lass das keis Problem lah werde.

Lueg dich gschieder selber a und Du wirsch sofort verstah.

Älter werde, Älter werde s`isch normal uf dere Erde

Irgendwänn muess jede da, eimal sini Fädere lah!

Euses Hüenli Otilie, die isch nanig lang deby

Sie säit zum eusem Güggel Max: Schaff doch nume no halbtags.

Doch de Güggel Max isch stolz seit: Ich bin us zächem Holz

Anstatt scho verdufte lah mi nomal lifte!

So gahts eus allne de Frau und de Manne

So gahts de mäischte de Frau und de Manne

REFRAIN

Sogno romantico

(trad. W.A. Mozart/ S.Igrassia)

Vieni qui da me
prendi la mia mano.
Mentre tu dormi, io me ne andro lontano.
Forse in un sogno romantico
Mi rivedrai vicino a te.
Und sorriso dolce, si stende sul tuo viso.

Cantano per te
mille violoncelli
Nelle mie mani, i tuoi capelli
Lascio una rosa sul cuscino tuo
L'ultimo addio di un amore che
Grande mai non fu per noi due.

Vieni qui da me
prendi la mia mano.
I tuoi pensierei dimmi dove stanno
Forse in un sogno romantico
Dove rivedi noi due
Uniti nell' amore, che dura eterno.

E l'alba ormai
Io devo andar
Non dirmi addio
Ci rivedremo sai
Anche se solo
In un sogno romantico.